

Dr M lawat pusat pameran kemajuan Petra Jaya

KUCHING, Khamis. — Perdana Menteri Datuk Seri Dr Mahathir Mohamad telah melakukan lawatan tiga jam ke pusat pameran pembangunan yang disertai oleh jabatan-jabatan dan agensi-agensi Kerajaan serta badan-badan swasta, di Petra Jaya di sini hari ini.

Perdana Menteri menghabiskan kira-kira 10 minit di setiap gerai yang memaparkan kemajuan dan cara hidup berbagai kaum Bumiputera dan lain-lain masyarakat di negeri ini.

Beliau dan isterinya Datuk Seri Dr Siti Hasmah telah diringi oleh Ketua Menteri, Datuk Patinggi Haji Abdul Taib Mahmud dan isteri, dan Menteri-Menteri Kabinet Negeri dan Persekutuan.

Terdahulu dari itu, Datuk Seri Dr Mahathir dan isterinya disambut oleh Timbalan Ketua Menteri Tan Sri Sim Kheng Hong dan isteri.

Turut menyambut mereka ialah satu pasukan hadrah, kumpulan silat dan pertunjukan tarian singa. — Bernama.